

die vorgenanten min / herschafft von österrich vnd an all jr erben vnd nächkomen ze Rechtem ewigem aigen veruallen vnd gevallen sin ân aller månglichs widerred sumung vnd ansprách vnd daz enkain sin erben. Si noch Jr erben. In dekain wyse, daran nicht sumen noch Jerren sont. mit enkainen sachen suss noch so ân / all gevárd Es sol och die egenant vesti Jagberg<sup>8</sup> jetz ze mál vnd nv hinnenhin allweg., der obgedáchten miner herschafft von Österrich offen hus sin. Sin vnd die Jrn dârin vnd daruss ze lássent. zú aller Jro noturfft wenn si des bedurffent. Doch mit dem geding wen si dar legent vnd. / da haben wend. daz der jn der herrschaft kost da sin sol ân all gevárd. Er sol och die selben vesti Jagberg<sup>8</sup> besetzen mit ainem Burgherren, der ainem vogt ze veltkirch<sup>1</sup> schwerr ainen gelerten ayd ze den hailigen. wenn daz ist vnd ze schulden kunt. daz er von todes wegen abgegangen ist / daz got lang wend. daz er denn die selben vesti Jagberg.<sup>8</sup> dem obgenanten minem herren .hertzog Álbrechten von österrich. sinen vettern. iren erben vnd vögten. ald iren gewissen botten In geb vnd antwúrte. ân widerred vnd ân verziehen. vnd als dik er ainen Burgherren da selbs ze Jagberg / Ánderen vnd verkeren wil. So sol der Burgherr .der vff der selben vesti denn ist. die vesti enkainem andern Burgherren nit yn antwúrten Er hab denn vor ainem vogt ze veltkirch.<sup>1</sup> och ze den hailigen geschworn .der obgenannten miner herschafft von österrich mit der vesti gewártig ze sint .In der wyse als hie vor geschriben stât ân all gevárd. Es ist och berett. von der zins vnd stúren wegen. So von den lúten vnd gütern ze Galmist<sup>17</sup> vnd ze Tisis<sup>20</sup> gevallent die och der obgenant Gráf Rüdolf sinen handen Jnn gehept vnd genossen hát / daz die ainer herschafft von österrich Amptman vnd pfleger ze veltkirch.<sup>1</sup> yn nemen vnd die dem obgenanten Gráf hainrichen.<sup>5</sup> Járklichs die wyl er lept geben vnd antwúrten sol. vnd daz er mit den selben lúten fúrbass nütz me ze schaffent haben sol. wân si miner herschafft von österrich ietz gantz- / lich vnd aigenlich veruallen sint. Es ist och berett von der obgedáchten lút wegen. die In disen obgeschribenn markken begriffen sint. vnd sin lipding wesen sont näch dis briefs sag. daz die ietz ze mál miner herschafft von österrich fúr aigen schwerren. vnd Jr vnd der Statt ze veltkirch<sup>1</sup> zú allen Jren sachen hilflich vnd geráten / wesen sont. wâ si des Bedurffent. es sig mit Raysen ald mit andern dingen vngevârllich. Daz selb sol och die herrschaft vnd die Statt ze veltkirch<sup>1</sup> Jnen hinwidervmb och tûn In allen Jren sachen wâ si des bedurffent och ân all gevárd. doch also daz Jm die selben lút. mit allen sachen diensthaft wesen sont / In der wyse als hie vorgeschriben stât ân gevárd. Vnd wâr och daz er Jro bedurffent wúrd ze Raysent. da mit sont si Jm och hilflich willig vnd gehorsam sîn wider aller mánklich vssgenomen die obgedáchten